

**UPRAVA DRUŠTVA****GENERALNA DIREKCIJA**

Broj: U.D-01-3.2-1663/18  
Sarajevo, 25.01.2018. godine

Na osnovu člana 45. Statuta, člana 70. Zakona o javnim nabavkama BiH ("Službeni glasnik BiH" broj: 39/14), člana 14. stav (2) Pravilnika o javnim nabavkama "JP BH POŠTA" d.o.o. Sarajevo i preporuke Komisije za nabavku robe: kancelarijskog inventara, broj: 07.4-13.73-15663-19/17, od 22.01.2018. godine, Uprava Društva na 138. elektronskoj sjednici održanoj dana 25.01.2018. godine, donosi:

**ODLUKU  
O IZBORU NAJPOVOLJNIJEG PONUĐAČA**

**I**

Ovom Odlukom vrši se izbor najpovoljnijeg ponuđača: **MIRA-MAR d.o.o. Foča**, u postupku nabavke robe: kancelarijskog inventara za potrebe "JP BH POŠTA" d.o.o. Sarajevo, LOT 5 - nabavka Itisona, sa ukupnom vrijednošću od 8.700,00 KM bez uključenog PDV-a, odnosno 10.179,00 KM sa uključenim PDV-om.

**II**

Izabrani ponuđač je dužan u roku od 5 dana od dana prijema ove odluke o izboru najpovoljnijeg ponuđača dostaviti dokaze predviđene članom 45. Zakona o javnim nabavkama u formi i sadržaju kako je to zahtijevano u tenderskoj dokumentaciji ovog postupka nabavke. Dokazi moraju biti fizički dostavljeni na protokol ugovornog organa najkasnije peti dan po prijemu odluke o izboru, u radnom vremenu ugovornog organa (do 16 sati), te za ugovorni organ nije relevantno na koji su način poslani. Dokazi koji se zahtijevaju moraju biti originalni ili ovjerene kopije.

**OBRAZLOŽENJE**

Na osnovu Odluke o pokretanju postupka javne nabavke robe: kancelarijskog inventara za potrebe "JP BH POŠTA" d.o.o. Sarajevo broj: U.D-01.3.2-16644/17 od 26.10.2010. godine i Rješenja o imenovanju Komisije za nabavku kancelarijskog inventara broj: 01-13.73-15663-5/17 od 30.10.2017. godine kao i saglasnosti Generalnog direktora na tendersku dokumentaciju, proveden je otvoreni postupak javne nabavke, sa objavljivanjem Obavještenja o nabavci broj: 238-1-1-858-3-208/17 na Portalu javnih nabavki, dana 04.12.2017. godine.

Predmetna nabavka je podjeljena u 5 (pet) lotova i to:

<b>Lotovi</b>	<b>procijenjena vrijednost</b>
<b>LOT 1</b> - Stolovi i ormari	18.000,00 KM
<b>LOT 2</b> - Stolice	82.000,00 KM
<b>LOT 3</b> - Klima uređaji	40.000,00 KM
<b>LOT 4</b> - Peći, usisivači, mašina za pranje vozila i kosilica	26.000,00 KM
<b>LOT 5</b> - Itison	9.000,00 KM
<b>Ukupno</b>	<b>175.000,00 KM</b>

Javno otvaranje ponuda od strane Komisije za nabavku održano je u Banket Sali GD, dana 28.12.2017. godine sa početkom u 10h i 15min, o čemu je sačinjen Zapisnik o otvaranju ponuda broj: 01-13.73-15663-17/17, koji je sastavni dio ovog izvještaja. Zapisnik sa otvaranja ponuđačima je upućen poštom 28.12.2017. godine.

Komisija je prije samog otvaranja ponuda konstatovala sljedeće:

- da je 19 (devetnaest) potencijalnih ponuđača preuzeo tendersku dokumentaciju sa Portala javnih nabavki;
- da je ukupno 5 (pet) ponuđača dostavilo svoje koverta sa ponudama i to, prema redoslijedu dostavljanja na protokol:



1. MIRA-MAR d.o.o. Foča 73300 Foča, Branka Radičevića 6
  2. R&S d.o.o. Sarajevo, 71320 Vogošća, Igmanska b.b.
  3. GTR doo Mostar, 88104 Mostar, Kočine b.b.
  4. Steel d.o.o. Zenica, 72000 Zenica, Đerzelezova 40
  5. INTER-COM d.o.o. Zenica, 72000 Zenica, Vrandučka 71b
- da su sve koverta sa ponudama neoštećene, uredno zapakovane i zapečaćene;
  - da su za LOT 1. stiglo (4) (četiri) ponude, za LOT 2. stiglo (4) (četiri) ponude, za LOT 3. stigla 1 (jedna) ponuda, za LOT 4. stigla 1 (jedna) ponuda, za LOT 5. stigla 1 (jedna) ponuda, da su na koverta stavljeni redni brojevi prema kojima je utvrđen redoslijed otvaranja i čitanja ponuda.

Komisija je prilikom otvaranja ponuda javno saopštila podatke o nazivu i sjedištu ponuđača, ukupnu cijenu ponude i eventualni popust.

Nakon izvršenog otvaranja ponuda Komisija je pristupila analizi dokumentacije priložene uz ponude u smislu provjere njihove validnosti, obzirom na zahtjeve ugovornog organa iskazane u tenderskoj dokumentaciji, odnosno vrednovanju ponuda, a u skladu sa procedurama i pravilima utvrđenim Zakonom o javnim nabavkama, podzakonskim aktima i Pravilnikom o javnim nabavkama broj: U.D-01-3.2-5233/15 od 04.03.2015. godine.

U tom smislu Komisija je konstatovala da: **LOT 5. Nabavka Itisona,**

- Ponuda ponuđača „**Mira-Mar**“ d.o.o. Foča, sa ukupnom vrijednosti ponude, bez PDV-a u iznosu od **8.700,00 KM**, ispunjava sve pravne, ekonomske i tehničke uslove utvrđene tenderskom dokumentacijom, te je ista ocjenjena kao formalno-pravno, ekonomski i tehnički prihvatljiva.

Shodno gore navedenom i obzirom na kriterij za dodjelu ugovora "**najniža cijena**" utvrđuje se rang lista ponuđača sa cijenama bez uključenog PDV-a kako slijedi: **LOT 5. Nabavka Itisona,**

1. MIRA-MAR d.o.o. Foča, sa ukupnom cijenom ponude, sa preferencijalom..... **8.700,00 KM**

Cijeneći navedeno, te shodno ovako utvrđenoj rang listi ponuđača, Komisija jednoglasno daje preporuku Upravi Društva da donese: **Za LOT 5. Nabavka Itisona,**

- **Odluku o izboru najpovoljnijeg ponuđača: MIRA-MAR d.o.o. Foča,** kao prvoplasiranom na rang listi tj. ponuđaču koji je ponudio najnižu cijenu, prihvatljive ponude u iznosu od 8.700,00 KM bez uključenog PDV-a, odnosno 10.179,00 KM sa uključenim PDV-om.

Cijeneći navedeno, donesena je Odluka kao u dispozitivu.

**PRAVNA POUKA:** Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci i /ili podzakonskih akata ima pravo uložiti žalbu Ugovornom organu u roku od 10 dana po prijemu odluke o izboru shodno članu 99. i članu 101. Zakona o javnim nabavkama i to radnim danima u radno vrijeme.



**GENERALNI DIREKTOR**

**mr.scj. Mirsad Mujić**

**Dostaviti:**

- Služba za pravne, kadrovske i opće poslove
- Sektor za EKF
- Sektoru za RIS
- Marketingu (za objavu)
- Odjeljenje za javne nabavke
- a/a

